

Су шаруашылығы жүйелері мен құрылыштарының қауіпсіздігін қамтамасыз ету ережесін бекіту туралы

Күшін жойған

Қазақстан Республикасы Үкіметінің 2009 жылғы 12 мамырдағы № 690 Қаулысы. Қүші жойылды - Қазақстан Республикасы Үкіметінің 2015 жылғы 31 қазандағы № 870 қаулысымен

Ескерту. Қүші жойылды - ҚР Үкіметінің 31.10.2015 № 870 (алғашқы ресми жарияланған күнінен кейін құнтізбелік он күн өткен соң қолданысқа енгізіледі) қаулысымен.

РҚАО-ның ескертпесі.

ҚР мемлекеттік басқару деңгейлері арасындағы өкілдептердің аражігін ажырату мәселелері бойынша 2014 жылғы 29 қыркүйектегі № 239-V ҚРЗ Заңына сәйкес ҚР Ауыл шаруашылығы министрінің 2015 жылғы 31 наурыздағы № 19-4/286 бұйрығын қараңыз.

Қазақстан Республикасының 2003 жылғы 9 шілдедегі Су кодексінің 36-бабына сәйкес Қазақстан Республикасының Үкіметі **Қ АУЛЫ ЕТЕДІ:**

1. Қоса беріліп отырған Су шаруашылығы жүйелері мен құрылыштарының қауіпсіздігін қамтамасыз ету ережесі бекітілсін.

2. Осы қаулы алғаш рет ресми жарияланғаннан кейін он құнтізбелік күн өткен соң қолданысқа енгізіледі.

Қазақстан Республикасының

Премьер-Министри

Қазақстан

Үкіметінің

2009

жылғы

K. Мәсімов

Республикасы

12

мамырдағы

N 690 қаулысымен

бекітілген

Су шаруашылығы жүйелері мен құрылыштарының қауіпсіздігін қамтамасыз ету ережесі 1. Жалпы ережелер

1. Су шаруашылығы жүйелері мен құрылыштарының қауіпсіздігін қамтамасыз ету ережесі (бұдан әрі - Ереже) Қазақстан Республикасының 2009 жылғы 9 шілдедегі Су кодексінің 36-бабына сәйкес әзірленді және су шаруашылығы жүйелері мен құрылыштарын салу, пайдалану, жөндеу және қайта жаңарту

кезінде су шаруашылығы жүйелері мен құрылыштарының иелері немесе пайдаланушы тұлғалар орындауды міндettі талаптарды ескере отырып, су шаруашылығы жүйелері мен құрылыштарының қауіпсіздігін қамтамасыз ету тәртібін айқындауды.

2. Осы Ережеде мынадай ұғымдар пайдаланылады:

1) су шаруашылығы жүйелері мен құрылыштарының қауіпсіздігі - су шаруашылығы жүйелері, құрылыштары элементтерінің адамдардың өмірін, денсаулығын және занды мұдделерін, қоршаған орта мен шаруашылық объектілерін қоргауды қамтамасыз ететін өзіндік ерекшеліктері;

2) су шаруашылығы жүйелері мен құрылыштары қауіпсіздігінің өлшемдері - су шаруашылығы жүйелері мен құрылыштары аварияларының туындау қатерінің жол берілетін деңгейіне сәйкес келетін су шаруашылығы жүйелері мен құрылыштары жай-күйінің техникалық көрсеткіштерінің және оларды пайдалану шарттарының шекті мәні.

2. Су шаруашылығы жүйелері мен құрылыштарының қауіпсіздігінің қамтамасыз ету тәртібі

3. Қауіпсіздікті қамтамасыз ету су шаруашылығы жүйелері мен құрылыштарын жобалау, салу, пайдалану, жөндеу және қайта жаңарту кезінде қойылатын талаптар негізінде жүзеге асырылады.

4. Су шаруашылығы жүйелері мен құрылыштарының қауіпсіздігін қамтамасыз ету үшін олардың жұмысы мен жай-күйіне құрылышын салу үдерісінде де, пайдалану, жөндеу және қайта жаңарту кезінде де заттай қадағалау (мониторинг) жүргізіледі.

5. Жобалау сатысында су шаруашылығы жүйелері мен құрылыштарының беріктігі, тұрақтылығы және ұзақ мерзімділігі есептеу әдістерімен қамтамасыз етіледі.

6. Есептеу кезінде инженерлік ізденістердің нәтижелері, су шаруашылығы жүйелері мен құрылыштары орналасқан жердің функционалдық мақсаты мен сипаты, тіреуші құрылыш конструкциялары бұзылуының болжалды салдары, сондай-ақ жүктемелер мен әсерлердің қолайсыз бірлесе келуі ескеріледі.

7. Жер сілкінің қаупі бар аудандарда су шаруашылығы жүйелері мен құрылыштарын салу кезінде болуы мүмкін қауіпті бүлінулер мен авариялық жағдайларды болдырмау үшін арнайы жобалық-конструкторлық шешімдер қолданылады.

8. Егер су шаруашылығы жүйелері мен құрылыштарын салу кезінде жобалаушы ұйыммен келісілген құрылыш жобасынан ауытқуға жол берілсе, онда қабылданған ауытқулары бар су шаруашылығы жүйелері мен құрылыштарының

қауіпсіздік деңгейі төмендемеуі тиіс, ал құрылышы жобасы белгіленген тәртіппен
тиісінше өзгертуі тиіс.

9. Су шаруашылығы жүйелері мен құрылыштарын салу объектілерінде
құрылыш үдерісінде бөгде араласуды болдырмау бойынша, сондай-ақ болуы
мүмкін диверсиялық және террористік актілерге қарсы әрекет ету бойынша
корғау шаралары көзделуі қажет.

10. Су шаруашылығы жүйелері мен құрылыштарының иесі немесе
пайдаланушы тұлға су шаруашылығы жүйелері мен құрылыштарын
функционалдық мақсаты бойынша қауіпсіз пайдалануды, олардың техникалық
жай-күйінің қауіпсіз деңгейін, сондай-ақ техникалық қызмет көрсетуді, ағымдағы
жөндеуді және жаңғыртуды қамтамасыз етеді.

11. Болжанатын немесе болған табиғи және техногендік сипаттағы төтенше
жағдайларға байланысты авариялар туындау қаупі кезінде су шаруашылығы
жүйелері мен құрылыштарының иесі немесе пайдаланушы тұлға қосымша
қауіпсіздік шараларын қабылдайды, сондай-ақ су шаруашылығы жүйелері мен
құрылыштарының бақыланатын параметрлері белгіленген қауіпсіздік
талаптарына сәйкес келмеген жағдайда су шаруашылығы жүйелері мен
құрылыштарын пайдаланудан шығару жөнінде шаралар қабылдайды.

12. Су шаруашылығы жүйелері мен құрылыштарындағы табиғи және
техногендік сипаттағы төтенше жағдайлардың салдарын жою төтенше
жағдайлардың салдарын жою жөніндегі іс-шаралар жоспарына және су
шаруашылығы жүйелері мен құрылыштарын қалпына келтіру жөніндегі жобалық
құжаттамаға сәйкес жүзеге асырылады.

13. Су шаруашылығы жүйелері мен құрылыштарында өрттен, жарылыстан
және басқа да қауіпті жағдайлардан қорғау құралдары болған жағдайда су
шаруашылығы жүйелері мен құрылыштарының иесі немесе пайдаланушы тұлға
су қорын пайдалану және қорғау, сумен жабдықтау және су бұру саласындағы
үәкілетті орган бекіткен су шаруашылығы жүйелері мен құрылыштарының
паспорттарына сәйкес оларды жұмысқа қабілетті күйде ұстайды.

14. Су шаруашылығы жүйелері мен құрылыштарын пайдалану кезінде қауіпсіз
күйінде ұстaudы меншік иесі немесе пайдаланушы тұлға кезеңдік тексеру
жүргізу, техникалық қызмет көрсету және ағымдағы жөндеу жолымен
қамтамасыз етеді.

15. Су шаруашылығы жүйелері мен құрылыштарын жөндеу жұмыстарының
және қайта жаңарту жөніндегі жұмыстардың бағдарламаларын әзірлеу жүйелер
мен құрылыштардың жай-күйін және пайдаланылатын су шаруашылығы жүйелері
мен құрылыштарында аварияның туындау қатерінің деңгейін (қауіпсіздік
деңгейін) бағалау негізінде жүргізіледі.

16. Су шаруашылығы жүйелері мен құрылыштарын ағымдағы жөндеу кезінде

жобалық құжаттамадан ауытқуға жол берілмейді.

17. Су шаруашылығы жүйелері мен құрылыштарын қайта жаңарту кезінде қауіпсіздік деңгейі су қорын пайдалану және қорғау, сумен жабдықтау және су бұру саласындағы уәкілетті орган бекіткен су шаруашылығы жүйелері мен құрылыштары қауіпсіздігінің өлшемдерін сақтау арқылы қамтамасыз етіледі.

18. Су шаруашылығы жүйелері мен құрылыштарының иесі немесе пайдаланушы тұлға іргелес жатқан аумақта адамдар үшін қауіп тудыратын жұмыстарды жүргізген кезде қауіпті аймаққа кездейсоқ кіруді болдырмау жөнінде шаралар қабылдайды.

19. Су шаруашылығы жүйелері мен құрылыштарының иесі немесе пайдаланушы тұлға 25 жылдан артық пайдалануда болған су шаруашылығы жүйелері мен құрылыштарын олардың жай-күйіне қарамастан, олардың беріктігін, тұрақтылығын және пайдалану сенімділігін бағалай отырып, жыл сайын көп факторлы тексеруден өткізеді.

25 жылға дейін пайдалануда болған су шаруашылығы жүйелері мен құрылыштары олардың жай-күйіне қарамастан, олардың беріктігін, тұрақтылығын және пайдалану сенімділігін бағалай отырып, 5 жылда бір рет көп факторлы тексеруден өтеді.